

Na osnovu Odluke o usvajanju Programa utroška sredstava sa kriterijima raspodjele sredstava: "Kapitalni transferi drugim nivoima vlasti i fondovima—za izradu prostorno planskih dokumenata" utvrđenih Budžetom Federacije Bosne i Hercegovine za 2017. godinu Federalnom ministarstvu prostornog uređenja („Službene novine Federacije BiH“, broj: 78/17 od 13.10.2017. godine), i Odluke o raspisivanju Javnog poziva Federalnog ministarstva prostornog uređenja broj: 04-14-4-978/17-6 od 18.10.2017. godine, Federalno ministarstvo prostornog uređenja, raspisuje:

JAVNI POZIV

Za odabir korisnika za Program utroška sredstava sa kriterijima raspodjele sredstava “ Kapitalni transferi drugim nivoima vlasti i fondovima - za izradu prostorno planskih dokumenata ”

I.

Predmet Javnog poziva je prikupljanje programa – projekata za raspodjelu sredstava kapitalnih transfera, koja su osigurana su iz sredstava Federalnog ministarstva prostornog uređenja u razdjelu 23 ekonomski kod 6151 “ Kapitalni transferi drugim nivoima vlasti i fondovima - za izradu prostorno planskih dokumenata” Budžeta Federacije Bosne i Hercegovine za 2017. godinu („Službene novine Federacije BiH“, br. 104/16). Vlada Federacije Bosne i Hercegovine donijela je Odluku, V.broj: 1350/2017 od 10.00.2017. godine, o usvajanju Programa utroška sredstava sa kriterijima raspodjele sredstava “Kapitalni transferi drugim nivoima vlasti i fondovima - za izradu prostorno planskih dokumenata ”, utvrđenog Budžetom Federacije Bosne i Hercegovine za 2017. godinu, Federalnom ministarstvu prostornog uređenja („Službene novine Federacije BiH“, broj: 78/17).

II.

Naziv programa, korisnici, ciljevi i kriteriji

Program utroška sredstava sa kriterijima raspodjele sredstava: “ Kapitalni transferi drugim nivoima vlasti i fondovima— za izradu prostorno planskih dokumenata ”

Raspodjela sredstava utvrđenih ovom Odlukom vršit će se za dva odabrana programa/projekata na kantonalnom nivou u visini od po 50.000,00 KM i pet odabranih programa/projekata u visini od 20.000,00 KM po jednom programu/projektu na općinskom nivou, i sredstva u visini od 42.000,00 KM kao interventna sredstva kojim raspolaže Federalni ministar prostornog uređenja, a sve u skladu sa općim i posebnim kriterijima kako slijedi:

Pravo sudjelovanja na javnom pozivu ostvaruju: kantonalni i općinski organi vlasti Federacije Bosne i Hercegovine.

Ciljevi programa su: Izrada prostorno planskih dokumenata, čijom će realizacijom doći će do efikasnijeg praćenje stanja u prostoru i provođenje mjera i njihove učinkovitosti u prostoru, na zaštiti vrijednosti prostora i okoliša, te druge elemente od značaja za plansko uređenje prostora.

Sprovođenjem ove Odluke će se finansirati planski dokumenati iz člana 7. Zakona o prostornom planiranju i korištenju zemljišta na nivou Federacije Bosne i Hercegovine (“Službene novine Federacije BiH”, broj: 2/06, 72/07, 32/08, 4/10, 13/10 i 45/10);

Kriteriji za izbor programa su: Raspodjela sredstava vršit će se za programe i projekte u skladu sa općim i posebnim kriterijima:

Opći kriteriji za raspodjelu sredstava su:

Da je donešena Odluka o pristupanju izradi prostorno planskog dokumenata;

Da u obuhvatu dokumenata prostornog uređenja postoje građevine, zahvati, područja posebnog značaja i obilježja koja su od značaja za Federaciju Bosne i Hercegovine, ili da se radi zoning plan privredne odnosno

industrijske zone ili područje za razvoj turizma i zaštitu prirodnih resursa značajnih za razvoj kantona, grada ili općine;

Sredstva se ne mogu dodijeliti retroaktivno, odnosno za već donesen planski dokument, a mogu za ranije započeti, a nezavršen planski dokument;

Planski dokumenat od značaja za Federaciju Bosne i Hercegovine mora da bude jedan od planskih dokumenata iz člana 7. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", broj: 2/06, 72/07, 32/08, 4/10, 13/10 i 45/10);

Posebni kriteriji za raspodjelu sredstava:

Mogućnost sufinansiranja (prednost programima/projektima koji imaju veće učešće u sufinansiranju);

Indeks razvijenosti kantona, grada ili općine (prednost manji indeks razvijenosti)

Strateška važnost prostorno planskog dokumenata u odnosu na razvojne, infrastrukturne i prirodne sisteme

Načelo kontinuiteta i usaglašenosti (prednost imaju planski dokumenti šireg područja, odnosno koji se rade u skladu sa već usvojenim planskim dokumentima u zavisnosti od nivoa vlasti). Zbog važnosti prednost će se davati prostornim planovima kantona, odnosno jedinicama lokalne samouprave.

Očekivana dinamika izgradnje i regionalni značaj funkcije.

Očekivana razvojna mogućnost;

Broj i značaj građevina i zahvata od značaja za Federaciju Bosne i Hercegovine;

Veličina površine područja od Federaciju Bosne i Hercegovine u obuhvatu plana;

Stepen izrađenosti plana (prednost će imati započeti planovi, odnosno oni koji imaju veći stepen dovršenosti);

III.

Neophodna dokumentacija za sudjelovanje

Sredstva iz Javnog poziva po navedenim programima dodjeljuju se na osnovu prijave projekta - programa korisnika i obavezne dokumentacije.

Obrazac za prijavu projekta i obrazac izjave moraju biti popunjeni na računaru na obrascima koji su dostupni na web stranici Federalnog ministarstva prostornog uređenja (www.fmpu.gov.ba). Obrazac za prijavu projekta, obrazac izjave i obavezna dokumentacija treba biti dostavljena prema redoslijedu sa prijavnog obrasca, i poslana u A4 koverti. Obavezna dokumentacija treba biti odvojena od dokumentacije za preporuku.

Obrasci moraju biti dostavljeni u print i elektronskoj formi na CD u koverti.

Obavezna dokumentacija mora sadržavati:

1. Popunjen obrazac za prijavu projekta (obrazac 1.)
2. Popunjen obrazac Izjave (obrazac 2.)
3. Uvjerenja o poreskoj registraciji (identifikacijski broj: ID broj i PDV broj ukoliko su PDV obveznici)
4. Projekt ili program za koji se traži sufinansiranje
5. Finansijski plan (budžet projekta)
6. Preporuku kantonalnog resornog ministarstva ili lokalne zajednice s potvrdom o sufinansiranju (*ukoliko podnosilac ima takvu preporuku*)
7. Elektronsku verziju obrasca prijave projekta i budžeta (CD disk)

Važne napomene:

- U koverti može biti samo jedan projekat, ako ima više projekata u jednoj koverti aplikacija se odbacuje.
- Da bi aplikant ušao u konkurenciju za odabir na Javnom pozivu mora ispuniti pravno-formalne uvjete.
- Svi dokumenti koji se predaju uz obrazac prijave projekta kao dokaz o ispunjavanju kriterija sudjelovanja iz ovog poziva, moraju biti originali ili ovjerene kopije, ne starije od tri mjeseca
- Dokumenti koji se šalju na Javni poziv ne vraćaju se aplikantu.
- Neadekvatno popunjene prijave i nekompletni zahtjevi se neće razmatrati.
- Pravo sudjelovanja na Javnom pozivu ostvaruju aplikanti sa područja Federacije BiH

IV.

Vrednovanje projekata

Vrednovanje i rangiranje projekata pristiglih na Javni poziv vršit će posebna komisija koju imenuje Federalni ministar prostornog uređenja. Komisija razmatra projekte zaprimljene na osnovu Javnog poziva, čijeni ispunjenost uvjeta i kriterija za odobravanje, te zapisnik s obrazloženom ocjenom i mišljenjem dostavlja Federalnom ministru prostornog uređenja koji donosi konačnu Odluku o korisnicima sredstava.

Rezultati Javnog poziva o izboru korisnika sredstava bit će objavljeni na (www.fmpu.gov.ba)

Prije donošenja konačne odluke o odabiru Ministarstvo zadržava pravo od aplikanta zatražiti dodatna pojašnjenja projekta, kao i pravo odbijanja pristiglih projekata bez posebnog obrazloženja.
Sa odabranim korisnicima zaključit će se ugovor o međusobnim pravima i obavezama u realizaciji projekta koji se sufinancira te praćenje namjenskog korištenja dobivenih sredstava.

V. Opće odredbe

Obraci za prijavu po ovom Javnom pozivu mogu se preuzeti na (www.fmpu.gov.ba)

Zahtjev za sudjelovanje s obaveznom dokumentacijom dostavlja se lično ili putem pošte na adresu Federalno ministarstvo prostornog uređenja, Marka Marulića br. 2, 71000 Sarajevo u zatvorenim kovertama sa naznakom „NE OTVARAJ – PRIJAVA NA JAVNI POZIV ZA IZRADU PROSTORNO PLANSKIH DOKUMENATA „.

Javni poziv objavljuje se na (www.fmpu.gov.ba), u „Službenim novinama Federacije BiH“ i dnevnom listu velikog tiraža.

Rok za podnošenje zahtjeva je 15 dana od dana posljednjeg objavljivanja javnog poziva u „Službenim novinama Federacije BiH“.

Zahtjevi s nepotpunom dokumentacijom, podneseni mimo roka i utvrđene forme, neće se razmatrati.

Sve dodatne informacije vezane za javni poziv, mogu se dobiti svakim radnim danom putem telefona 033/726 522 i 033/726 531

Broj: 04-14-4-978/17- 7

Sarajevo, 19.10.2017. godine

